


Қаҳрамонлар қандай пайдо бўлади?

4-бет



Ishonch

*Insonga naf
keltirish –
oliy baxt*

2008-yil 8-may
№ 58 (2471)
payshanba

Ijtimoiy-iqtisodiy gazeta * E-mail: ishonch-doverie@mail.ru * Gazeta 1991-yil 21-martdan chiqa boshlagan




Яхши
хулқ
соҳиби

4



Муштари – нашр ҳаками



Фалати савол



Каттақўғондан Берлингача...

13

Рақурс

Очигини айтганда...

Ўзбек халқи азалдан бир сўзли бўлиб келган. Асрлар давомида ваъдага ҳожат бўлмаган. Чунки айтилган сўз, айниқса, йигитнинг лафзи қасамдан қаттиқ ишончли бўлган. Замонлар ўтиши билан одамлар сўзга ишонмай қўйишиди. «Эртагингни бошқага айт!» — дейдиганлар кўпайди. Ишончсизлик ва даврнинг муҳити одамларга ҳар томонлама таъсир ўтказа бошлади. Энди нутқимизда «дангали», «тўғрисини айтсан», «очигини айтганда...» каби иборалар ишлатила бошланди. Ваъдалар оғзимиздан милтиқ ўқидай отилиб чиқиб кетмоқда. Бир қарашда кўзга кўринмас бўлиб туюлган, эътибор қаратишга арзимайдигандек кўринаётган бир иллат — ёлғончилик- қон-қонимизга сингиб кетмаётирми?!

Хатто элнинг зиёли одамлари ҳам «очигини айтмоқда». Гапириб-гапириб, сўнг «тўғриси»га кўчмоқда.

Ундан чиқди, «тўғриси»га келгунча шоввозларча қанчалаб ёлғонларни қалаштириб ётган эканмизда?

Дунёда ҳамма нарсанинг юки бўлгани сингари, сўзнинг ҳам жавобгарлиги бор. Эътиборли бўлайлик. Зоро, бир кун келиб сўзнинг юки белимизни синдирмасин!..

Абдулатиф
АБДУЛЛАЕВ





Яхши хулқ сохиби

қиради. Кайковусининг «Кобуснома»си, хиндерларниң «Маҳобхарат» ва «Рамаяна»си кўпчиликка маълум. Эътибор килсак, бу асарларда ахлоқ одобнинг кичик кўринишлари ҳам мукаммал ифодаланган. Ислом динидаги ахлоқ мавзусига алоҳида эътибор берилган. Ҳадисларимиздан да ахлоқ улуғланган. Рассулulloҳ (с.ав.) айтадики, «Сизларнинг Аллоҳнинг ҳузурида энг яхшиларингиз яхши хулқлиларингиздир».

Даҳо аждодларимиз ҳам хулқ мавзусига алоҳида тўхтаган. Алишер Навоийнинг «Хамса»си таркиби кирувчи «Ҳайратул-аброр», «Садди Исқандарий» достонларида ҳукмронлик қилаётган сultonларга ўзининг идеалидаги ах-

лоқий фазилатларни баён этишдан чўчимаган. Улуг аждодларимиздан яна бири Бобур ҳам «Бобурнома» асарида даврининг пешқадам вакилларининг хулқ-авторига алоҳида ургу берган. Бу эса бизга ўша давр инсонлари учун ахлоқ меъёрлари қандай бўлганлиги ҳақида тасаввур беради. Жумладан, Бобур отаси Умаршайх мирзонинг хулқ-автори ҳақида шундай дейди: «...бисёр саховати бор эди. Хулқи даги саховати бор эди, хушхулқ ва ҳарроҳ ва фасих ширин забон киши эрди, шужъю ва мардан киши эрди».

Бойсунгур мирzonинг ахлоқий шамойили куйидагича таърифланади: «...адолатпешва ва одми ва хуштъаб ва фазилатлиғ подшоҳзода эди». Ўша даврнинг машҳур сultonларидан бўлмиш Ҳусайн Бойқаро эса: «Ҳарроф ва хушхулқ киши эди. Хулқи бир нима гузаророк воже бўлиб эди, сўзи ҳам хулқидек эди», — дэя эътироф этилади. Кўриниб турибдик, Умаршайх мирzonинг ахлоқида саховатлилик, Бойсунгур миরзода адолатпешалик ўстун туради. Ҳусайн Бойқаро эса қатъиilik ва ширин сўзлилик сезилади.

Аждодларимизнинг ахлоққа эътибори оддийгина салом-аликда акс этиб туради. Улар кўчада, таниши-нотаниш, бир-бирига салом беришни кандо килишмаган. Аслида ҳам ахлоқ оддий салом-аликдан бошланади.

Бир сафар иш билан

Хизмат тақозоси билан ҳар куни бекатда автобус кутар эканмиз, қуидаги холатга кўзимиз тушади: фаррош бекатни чекиб ташланган тамаки ва турли ширинлик когозларидан тозалайди. Гарчи бекатда чиқинди ташлайдиган маҳсус идиш бўлса-да, у яна когоз, чекилган тамаки колдикларига тўла бошлади! Одамлар ҳам бу холга ўрганиб қолгандек. Аслида ахлоқан майдалашиб кетиш, беларволоварча қарашнинг илк белгисини айнан жамоат жойларида кўриш мумкин.

Тошкент вилояти Қиброй туманига йўлим тушди. Қўча бўйлаб кетаётгандим, йўл четидаги икки қизнинг менга қараб кулганини ҳис қилдим. Ҳижолат бўлиб, бирор камчилигим бормикан деб ўёқ-буёғимга қараб олдим. Ёнидан ўтаётib, «Юкингиз оғирмасми, күтаришиб юборайликми?» дэя луқма ташлаганини эшитдим. Ҳали мактаб ўқувчиси бўла туриб, ўтган-кетганига бунақ юзизларча ҳазил қилиш яхшими?

Хуллас, таъбим хира бўлиб кетаётгандим, қаршимдан 7-8 ёшлардаги бола чиқиб қолди. Ёнимдан ўтаётib, чиройли овозда «Ассалому алайкум» деди. Шошиб қолганимдан алик олишга зўрга улурдим. Боягина ахлоқсизликка дуч келиб тургандим, бирдан намуна бўлишга арзидиган ахлоқлики учраб туриди.

Шуларни ўйларканиман, қишлоғимиздаги чўпон хаёлмидан ўтди.

Унинг ҳамроҳи таёқ ва сурув. Табиат қучогида хаёлга берилиб, дардларини бор овоз билан дараларга айтиб юради. У кўринган йўловчи билан самимий кўришиб, одоб билан хол-аҳвол сўрарди. Ҳатто тунд йўловчининг ҳам чехрасини очиб юборарди бу



одати билан. Бу ҳолнинг иккита яхши жиҳати бор. Биринчидан, яхши хулқ сохиби эканлигини намоиш этади. Иккинчидан, қанча савоб олади. Илло, яхши хулқ сохиби бўлиш ҳозирги манфаатлар даврида жуда қийин...

Бекатда ўтирас эканман, ёнимда тик турган бир неча ўспирин ҳазиллашиб, бир-бирини лойга чаплаб ҳақоратлашади. Ори бор инсон бундай ҳақоратта чидомаслиги аник.

Шунда ёнимда ўтира-

ган бир мўйсафид менга қараб: «Эҳ, болам, қандай замонларни кўрмадик. Лекин бу дараражада бир-бirimizни ҳақоратламасдик. Ҳазил ҳам шунақа бўладими? Ҳа, майли, ёшлиқ-да, ҳали кўйилиб қолар», — дэя изтироб билан гапирди. Мен эса автобус келмагани учун энди сўқинмоқчи бўлиб тургандим, тилимни тишладим. Бундан буён ҳар қандай вазиятда ҳам сўқинмасликка ўзимга-ўзим сўз бердим.

Акмал Тошев

Ахлоқ инсон кўрки. У барча замонларда юксак қадрланган. Дунё тарихида алоҳида ўрин тутадиган динларнинг барчаси инсонларни ахлоқли бўлишга ча-

зусига алоҳида тўхтаган. Алишер Навоийнинг «Хамса»си таркиби кирувчи «Ҳайратул-аброр», «Садди Исқандарий» достонларида ҳукмронлик қилаётган сultonларга ўзининг идеалидаги ах-

лоқий фазилатларни баён этишдан чўчимаган. Улуг аждодларимиздан яна бири Бобур ҳам «Бобурнома» асарида даврининг пешқадам вакилларининг хулқ-авторига алоҳида ургу берган. Бу эса бизга ўша давр инсонлари учун ахлоқ меъёрлари қандай бўлганлиги ҳақида тасаввур беради. Жумладан, Бобур отаси Умаршайх мирzonинг хулқ-автори ҳақида шундай дейди: «...бисёр саховати бор эди. Хулқи даги саховати бор эди, хушхулқ ва ҳарроҳ ва фасих ширин забон киши эрди, шужъю ва мардан киши эрди».

Бир сафар иш билан

кўрсата олмаяпмиз? Бу кимнинг айби? Адибларнингми, киноижодкорларнинг?..

Узлуксиз берилаётган ва томошабин эътироғига сазовор бўлаётган корейсериалларининг ютуғи нима? Ижобий қаҳрамонини чин дилдан яхши кўришингизга, салбийларидан нафралтанингизга нима мажбур этади? Нима учун уларнинг қаҳрамонларида табиийлик яқол кўзга ташлануб турди-ю, бизнинг киноқаҳрамонлар ясамаликдан нарига ўтломайди?

Аждодларимиз ҳақида қандай асар яратиласин, уларнинг барчисида бенусон, умуман хатога йўл кўймайдиган, идеал характерлар жамланмасига дуч келамиш. Уларнинг борбўйи, ўй-хәёллари, керак бўлса хатолари билан ибратларини ўйғунлаштирган ҳолда ҳақиқий санъат

асари яратиш лозим эмасми?

Миллий қаҳрамонларимизга руҳий яқинлик, ўз юртимиз тинчлиги учун олиб борилган ҳаракатлар бола тарбиясида мухим аҳамият қасб этади. Мевъерига етказиб ишланган, ҳаётини лавҳаларга бой, руҳият манзараплари барча нозикликлари-ла акс этирилган ўзбек фильмлари кўпаяверса, ўз-ўзидан миллийлигимизга дахл қуличи фильмларига эҳтиёж қолмайди. Кино миллийлигимизга қандай дахл қилиши мумкин дэя ажабланарсиз? Биринчидан, сериаллар кетма-кетлиги бир хил кун тартибига мослашишини талаб қилиш орқали қанча вақтимизни ўғирлашини ҳисоблаб кўрганмисиз? Шу вақтни ўзимиз ва жамият учун фойдали бирор ишга сарфлаш маъқул эмасми? Иккинчидан, ҳар

Қаҳрамонлар қандай пайдо бўлади?



Бугуннинг боласи шаклланиш жараёнидаги кино, қўшиқ, интернет деган тушунчаларга алоҳида «эътибор» қаратаётган экан, ана шу воситаларни эзгуликка хизмат қилдира олайлик. Айни кунларда ТВ орқали берилаётган сериалларнинг юзига қора чаплашдан мутлақо ий-

роқмиз. Ҳар ҳолда улар океанорти давлатларининг турмуш тарзини, таъбир жоиз бўлса, «гўзал ахлоқ»ни тарғиб қилувчи киномахсулотлардан афзалроқдек назаримда.

Мени қизиқтираётган жиҳат: нега келажагимиз эзгаларига ҳақиқий намуна бўлса олгулик шахсларни

Боланинг табиати ажойиб бўлади. Соғ, бегубор.
Нимаики ёкса, унга интилади. Ҳавасландими, таклид килади. Шу тарзда астасекин характер шаклланади.
Хар куни ишдан қайтаётганимда шовкини билан кўчани тўлдириб «урушаётган» «жангчи» (кўшини болалар)ларга дуч келаман.
Факат сериалларнинг қаҳрамонларига ўхшашга ҳаракат килишади. Ағсусли, «идеал»лар орасида бирорта ҳам аждодимизнинг номини учратмайсиз. Бу нимадан далолат? Наҳотки, Темур Малик, Жалолиддин Мангуберди, Амир Темур, Бобурдек боболаримиз бошка миллатга мансуб Гумбок, Жумонглардан ўстун туролмаса?

Дилдора Рахмонова, «Ishonch» мухбири



Абдухолик АБДУРАЗЗОКОВ, «Ishonch» ва «Ishonch-Доверие» газеталари таҳририяти бош муҳаррири:

— Газета ўқиш учун чиқарилиди. Агар ўкувчи чоп этилган материални ўқимаса, уни ёзишдан ҳам, чоп этишдан ҳам маъни йўқ. Нашр том маънода ҳалқона бўлгандагина унинг аудиторияси ҳам кенгаяди, нуғузи ҳам ошади ва албатта жамият тараққиёти сари яна бир олга қадам ташланади. «Инсонга наф келтириш — олий баҳт» сўзлари бу факат гина шиор эмас, балки Касаба ўшумларининг бутун борлиғи, ҳаракат мазмуни ва том маънодаги характеристиди. Айнан шу жарабён минбари бўлган «Ishonch» ва «Ishonch-Доверие» газеталарининг ҳалқ нашри бўлиши учун эса кечажу кундуз изланиш олиб бораяпмиз. Бир хил қолипдаги «шаблон иборалар», чайнамалар, ҳисоботлар билан бугуннинг ўқувчисини энди «алдаш»нинг иложи йўқ. Биз шуларни инобатга олиб, эртага бугундан хозирлик кўрган ҳолда, иложи борича, ҳалқ дарди, кечинма ва истакларни табий бўёкларда беришга уринарпизмиз. Буни қай даражада уddyalай оляпмиз, сизларга ҳавола: ўкувчи — матбуот ҳаками. Сизларнинг хоҳиши ва тақлифларингиз биз учун ниҳоятда қимматли, чунки касаба ўшумлари тизимишининг марказида ҳам инсон омили ўқилдиз бўлиб келган, бундан кейин ҳам шундай бўлади.

«Ishonch» ва «Ishonch-Доверие» газеталари — ҳалқ минбари. Мана сизлар, энг зиёли ва интеллектуал қатлам вакилларининг ҳуқуқларини химоя қиласизлар. Биргина муаллимни оладиган бўлсак, дунёдаги энг шарафли касб вакилларига нисбатан бугун давлат эътибори ҳар қачонгидан ҳам юкори. Аммо уларнинг барча муаммолар ҳал қилинган дея олмаймиз ва шу жарабёнда оз бўлса-да ўз улушимишини кўшсак деймиз.

Муштарилиаримиз учун қулагилик яратиши мақсадида ҳаҷон нашрларининг таҳрибалирини ўрганаяпмиз. Мақсадимиз — нашримизни тўртта рангда, ҳам шаклдан, ҳам мазмунан бойитилган ҳолда чоп этиш. Бунинг учун эса аввало ўқувчини ўрганишимиз лозим. Шунинг учун кўпроқ сизларни тингласак, ўйлайманки, биз учун ҳар томонлама фойдали бўлади...

Шу йил 28-апрелдан 3-майга кадар республика касаба ўшумлари Федерация кенгаши Ўқув марказида Таълим ва фан ходимлари касаба ўшумаси шаҳар ва туман кенгашлари раисларининг билим, кўнишка ва малакаларини оширишлари учун ўқув курслари ташкиллаштирилди. 2-май куни эса мазкур тадбир доирасида Коракалпогистон Республикаси, вилоятлар ва Тошкент шахридан келган касаба ўшумларининг «Ishonch» ва «Ishonch-Доверие» газеталари таҳририяти аъзолари билан ижодий учрашуви бўлиб ўтди. Газета бош муҳаррири Абдухолик Абдураззоков, масъул котиб Жаҳонгир Шарофбоев ва муҳбир Умид Яъкубов қатнашган ушбу учрашув «Жамият тараққиётиди ОАВнинг ўрни» мавзуида ташкил этилди. Куйида самимий ва ошкоралик руҳида ўтган мазкур мулокотдан ёзиг олинган

репортажни эътиборингизга ҳавола этамиз.

Муштариш нашр ҳаками

Ҳалимжон ҚЎШБОЕВ, Фарғона тумани:

— Севимли нашримиз ходимлари билан юзма-юз гаплашиб олишимиз ниҳоятда муҳим аҳамиятга эга. Чунки иш юритишимиз учун мазкур нашр — канотимиз. Бугун Фарғонада «Ishonch» муштариилари сафи кенгаймокда. Айниска, касаба ўшума аралашуви билан ишга тикланганлар ҳақидаги материаллар бу борада муҳим омил бўлиб хизмат қилаяти. Ташкилотимиз ҳақида меҳнаткашларга тўғри тушунча беришда газета роса аскотаяти.



Нурулло ФАХРИДДИНОВ, Пахтаобод тумани:

— «Ishonch» ададининг ошганлиги унинг аудиторияси кенгайганини билдиради. Газетамизни кўпинчча хусусий нашрлар — «7x7», «Дарракчи» билан тақосодамлар нега уларни ўқийди? Чунки жуда чарчаганда, кўнгил факат дам олиши тусади. Шунинг учун пазандачилик сирлари ҳақида, тиббий маслаҳатлар, киноюлдузлар хаётидан материаллар бериб борилса, «Ishonch» ҳам бозорбоп газета бўларми...



Сайдмурод БОЙНАЗАРОВ, Сариосиё тумани:

— Туманимизда 114 та таълим муассасаси бўлса, уларда меҳнат килаётгандарларнинг «Ishonch»га ишончи баланд. Таклифим — ҳуқукий савол-жавоб бериладиган саҳифа кўлами кенгайтирилиб, саволларга жавоблар қонунлардан шунчаки кўчириб олинмай, балки шарҳланган ҳолда, мисоллар билан тушунтирилса, фойдалорок бўларди.



Раҳбарой ЖУМАБОЕВА, Чорток тумани:

— Бугун жамиятимизнинг энг оғрикли нуқталаридан бири — ноқонуний меҳнат миграцияси. Айрим ўқитувчиларнинг Россия, Қозоғистон Республикаларига ишга кетиб, қайтиб келгач, яна ўз вазифасида ишлаётганига гувоҳ бўлаяпмиз. Муаллим — бола онгининг шаклла нишида уни йўналтиручи шахс эканлигини инобатга олсан, бу муаммо ечимини кўрсатишда, балки, Туркум мақолалар тайёрлаш керакдир...



Эшпарда НИЁЗОВ, Фузор тумани:

— Яқинда ёзувчи Муҳамад Алининг Амир Темур фарзандлари ҳақидаги мақоласини катта қизиқиш билан ўқиб чиқдим. Ана шунга ўхшаш тарихимизнинг очилмаган жиҳатлари ҳақида мақолаларни кўпроқ бериб борилишини истардик...



Мирзаму-хаммад ТЎХТАБОЕВ, Учи тумани:

— Раҳбаройнинг фикрларини кўллаб-куватлайман. Ҳақиқатан ҳам бугун баъзи ўқитувчилар ўз ишни қилмаяти. Масалан, кўсак курти пайдо бўлса, биология ўқитувчилари далага сафарбар қилинади. Ҳеч бўлмаганда, фермерлар мактаб билан шу хусусида шартнома тузиб кўйсалар, ҳар ҳолда ҳуқукий жамият таълабларига мос келар эди. Бу — жуда жиддий мавзу. Албатта, кўтариб чиқиши керак...



Алижон МАТХОЛИКОВ, Сирдарё тумани:

— Ҳуқукий савол-жавоб кўпроқ шу кундан келиб чиқилса, мақсадга мувоғик бўларди. Масалан, биз томондаги аёллар «учинчи бола кўрсак, 800.000 сўм жарима тўларканмиз» деган ваҳимада юриди. Мендан ҳам сўраши, жавоб беролмадим...



Бир сўз билан айтганда, ижодий учрашув жуда қизғин ва эркин мулокот тарзида кечди. Бу эса нашримизнинг келгуси режаларини белгилаб олишимизда қўл келади, албатта. Қувонарлиси, фикрлар уйғоқ ва теран. Демак, ҳали ҳам ўзгалар ташвиши билан куйиб-ёниб яшаётган одамлар бор. Демак, ҳали ҳам виждонга эътиқод тирик. Демак, олдинга қадам ташлаяпмиз.

Ўз муҳбиришимиз ёзиг олди.
Икром ҲАСАНОВ олган суратлар


?

Чораклардаги таътиллар

1. Мен 13-мактабда 15 соат дарс ва 10-мактабда ўриндошлик асосида 8 соат дарс бераман. Бир ставкага 100 фоиз тўланса, 8 соат ўриндошлик асосида дарс берилишига 80 фоиз иш ҳақи берилади. Ҳар чоракда таътилларга иш ҳақи ҳамда ўкув йили охиридаги таътил учун ҳам иш ҳақи тўланмайди деб айтдиши. Шу тўғрими?

2. Келгуси ўкув йилида асосий иш жойимга ишлашга ўтсан, кўшимча фоиз ва рафбатлантириш олишига ҳақим борми? (директор жамғармасидан).

Р.ЮЛДАШЕВ,
Хоразм вилояти



Ўриндошлик бўйича 8 соат дарснингиз учун соатбай ҳақ тўлаиди, ҳар чоракдаги таътилларга ҳамда ўкув йил охиридаги таътил учун иш ҳақи тўланмайди.

Келгуси ўкув йилида асосий иш жойингизга ўтиб, бир ставкада ишласангиз тарбиявий жараён амалга оширилишининг сифати ва самарадорлигига, синфдан ташқари ишларга ҳамда ўкувчиларни инсонпарварлик ва меҳр-шафқат руҳида тарбиялашга кўшимча аниқ шахсий ҳиссага қараб ўқитувчилар томонидан олиб бориладиган тарбиявий ва синфдан ташқари ишлар учун 15 фоизгача миқдорда;

ўкувчиларни тест синовидан ўтказиш натижалари бўйича аниқланадиган тегиши синфлар ва ўкув предметлари учун тасдиқланган Давлат таълим стандартларида назарда тутилган билим ва кўнилмалар тўлиқ ҳажмининг ўкувчилар томонидан ўзлаштириб олиниши даражасига қараб касб маҳорати ва ўкув жараёнига кўшилган аниқ ҳисса, ўқитишнинг юқори самарадорлиги ва сифати учун 25 фоизгача миқдорда белгиланади. Касб маҳорати ва ўкув жараёнига кўшилган аниқ ҳисса, ўқитишнинг юқори самарадорлиги ва сифати учун бошланғич синфлар ўқитувчиларига ҳар ойлик устами синф ишининг муайян кўрсатичларига эришилган тақдирда, фанлар ўқитувчиларига эса ўқитиладиган фанлар бўйича муайян кўрсаткичларига эришилган тақдирда белгиланади.

Йўлдош АҲМЕДОВ,
Ўзбекистон таълим ва фан ходимлари касаба уюшмаси
Марказий кенгаши бош мутахассиси

?

Ишга қабул қилишмади

Ҳомиладорлигим туфайли ишга қабул қилишмади. Бу ҳолат қонунга зидми?
Ш.ЗОҲИДОВА,
Қашқадарё вилояти

Ҳомиладорлиги ёки боласи борлиги туфайли аёлларни ишга қабул қилимаслик тақиқланади. Бу ҳақда МКнинг 224-моддасида тўхталинган бўлиб, шундай ҳолат юз берганда иш бе-ручи рад этишининг сабабларини ёзма равишда маълум қилиши шарт. Ишга қабул қилишни рад этганлик хусусида судга шикоят қилишнинг мумкин.

Иқболов КЎЧКИНОВА,
хукуқшунос

?

Ижодий таътил

Номзодлик диссертацияси устида иш олиб бормоқдаман. Ишни тугаллаш учун асосий иш жойимдан қандай тартибида таътил олишим мумкин?
Н. ЙЎЛДОШЕВ,
Тошкент шаҳри

МКнинг 258-моддасига кўра, ишлаб чиқариш ёки педагогик фаолиятни илмий иш билан бирга қўшиб олиб бораётган шахсларга номзодлик ёки докторлик диссертацияларни якунлаш, шунингдек дарсликлар ва ўкув-услубий кўлланмалар ёзиш учун асосий иш жойида ўртacha ойлик иш ҳақи ва лавозими сақланган ҳолда ижодий таътиллар берилади.

Бундай таътилларнинг берилиши тартиби Вазирлар Маҳкамасининг 1997 йил 11 марта 133-сонли қарорининг 7-иловасида байён этилган. Унга кўра номзодлик диссертацияси ва дарсликлар ҳамда ўкув-услубий кўлланмаларни тугаллашлари учун муаллифларга 3 ойгача муддатда таътил берилади.

Ижодий таътилларга ҳақ тўлаш белгиланган меҳнатга ҳақ тўлаш фонди, шунингдек, илмий кадрлар тайёрлаш учун назарда тутиладиган маблағлар доирасида амалга оширилади.

Ижодий таътиллар:
давлат олий ўкув юртлари ва илмий-тадқиқот муассасалари ходимларига — ушбу муассасалар Илмий кенгашининг тақдимномасига кўра директор (ректор) томонидан;

бошқа давлат корхоналари, ташкилотлари ва муассасалари ходимларига — илм толиби бириктириб қўйилган олий ўкув юрти, илмий-тадқиқот муассасаси Илмий кенгашининг тақдимномасига кўра вазирlik (идора) томонидан берилади.

Илмий даражалар олуви чиқараларига бериладиган ижодий таътилларни расмийлаштириш учун кафедра, шўъба, лаборатория ва шунга ўхшашлар Кенгашга сабаблари кўрсатилган илтимоснома юборади. Ижодий таътил олган шахслар, таътил таомом бўйландан сўнг, килинган ишлар тўғрисида хисобот тақдим этадилар. Илмий даражалар олуви чиқараларига, шунингдек, дарсликлар ёки ўкув-услубий кўлланмаларни муаллифларига навбатдаги таътиллар, улар ижодий таътиллардан фойдаланганларидан қатъи назар, қонун билан белгиланган тартибида берилади.

Галибжон ЭГАМБЕРДИЕВ,
хукуқшунос

Хатлар... Асабий хатлар... Оловли хатлар... Саволлар... Кескин жавоб талаб қиладиган саволлар... Ичида жавоби бор саволлар... Ажаб саволлар...

Хатлар... Асабий хатлар... Оловли хатлар... Саволлар... Кескин жавоб талаб қиладиган саволлар... Ичида жавоби бор саволлар... Ажаб саволлар...

лай ё қисман бекор қилиб, ишни биринчи инстанция судига янгидан кўриш учун юборган-дир.

Аммо «Вилоят суди апелляция шикоятимга шу кунгача жавоб бермаяпти» дейилади хатда.

Ишда иштирок этувчи шахслар суднинг қарори қонуний, асосли ва адолатли эканлигини текшириш ҳақида шикоят билан қонунда белгиланган тартибда мурожаат қилишга ҳақлидир. Эҳтимол, белгиланган тартибининг бузилиши Сиз айтган оқибатни кетириб чиқарган бўлиши мумкин. Белгиланган тартиб қандай? Муҳими, апелляция шикояти апелляция инстанцияси номига ёзилади, аммо ҳал қилув қарори чиқарган судга берилади. Качон? Ҳал қилув қарори чиқкан кундан эътиборан йигирма кун ичиди.

Биринчи инстанция суди ҳал қилув қарори устидан шикоят бериш учун белгиланган муддат ўтган вақтдан эътиборан ўн кун ичиди ишни тушган шикоят билан бирга апелляция инстанция судига юбориши шарт. Апелляция инстанция суди кўришдан олдин ҳам маълум процессуал амалларни баҳаради. Аммо билиб қўйиш кепрак, шикоят келиб тушган кундан эътиборан йигирма кундан кечитирмай кўрилиши лозим. Бир нарса бизни ажаблантиради. Ҳал қилув қарори қонуний кучга киргандан кейин тарафлар ўша талаблар билан ўша асослар бўйича янгидан арз қилишлари мумкин эмас. Үнда биринчи босқич судининг 3 та қарори қаердан пайдо бўлибди? Бу ёни шикоятдан билиб бўлмайди.

Қонуний кучга киргандан, апелляция тартибида кўрилмаган ҳал қилув қарори устидан суднинг ҳал қилув қарори чиқкан кундан эътиборан бир йил ичиди тарафлар томонидан кассация шикояти берилиши ва прокурор протест кетириши мумкин. Кассация шикоятлари кассация инстанция суди номига ёзилади, аммо ҳал қилув қарори чиқарган судга берилади.

Ўзбекистон Республикаси барча судларининг қонуний кучга киргандан ҳал қилув қарорлари кетирилган протестлар бўйича назорат тартибида қайта кўрилиши мумкин. Ҳаммасини бирма бир айтишга ҳожат йўқ.

Хуллас, суд орқали химояланиш ҳукуқини таъминлаш муносабатлари Фуқаролик процессыал қонунчилиги билан тўлиқ тартибида солинган. Қонунга таяниб ҳаракат қилган адолатта етади. Қонунга сунгандан кимдан кўркмайди. Ишонамизки, ҳақ қарор топади. Ҳамма ҳам факат худодан кўрксин.

Довуд МАДИЕВ,
хукуқшунос



Тақдир инсоннинг ўз кўлида. Тақдир нима? Тақдир – бизга берилган вақт. Бугун дон сочсангиз, эрта ҳосил оласиз; пайхон қилсангиз, унинг ҳам эртаси шунга яраша бўлади.

Вақт нима? Вақт – бизга ажратилган тенги йўқ сармоя. Келажак сарф этаётганимиз вақт хисобига кўлга киритилиди аслида. Аммо тақдир инсонга вақтни чегаралаб берган, яъни биз уни ҳаёт деймиз. Ҳаёт абадиятнинг вақт билан ўлчанганд, чекланган бир қисми. Алалоқибат, инсон тақдирнинг измиди. Инсон ўз ҳаётининг эгаси, ҳатто ижодкори, аммо мутлақ тақдирнинг қулиди. Чунки ўлим инсоннинг ихтиёрида эмас. Кейинги лаҳзада яшаш ёки яшамаслигини ҳеч ким айтиб бера олмайди.

Ўлим нима?

Ўлим – белгиланган муддатнинг тугаши, ҳаётнинг якуни. Ўрни, фурсати, сабаби аён қилинмаган сир. Ҳаётнинг асли моҳияти ҳам шу сирнинг ортида яширган. Уни англаш, олдиндан билиш иштиёқини эса биз ибтидои шаклда фол, таъбир, башорат деймиз.

Фол, фолбинлик нима?

Тушунчамиздаги фол ва таъбир, асли, инсоннинг ички ахбороти. Инсонда табиий ҳолда иккита ички ахборот мавжуд. Биринчиси – ўлим. Ўлим ҳар лаҳза муқаррарларини тушунса ҳам, инсон унинг аниқ вақт-соатини билмайди. Айни дақиқада унга тегишли эмас, уни четлауб ўтадигандек ўлимни ички бир қаршилик билан тан олгиси келмайди. Аммо келажакни олдиндан билишга рағбат кўрсатар экан, ҳар қандай одам ўзи тўла идрок этмаған ҳолда ўлимдан хавфисирайди. Вокеаликни олдиндан билишга қизиқиш яшаш иштиёқидан келиб чиқкан. Ҳаёт ҳар қанча мураккаб ёки оғир бўлмасин, ҳеч ким бемаврид ва беиззат ўлим топишни истамайди. Уч, беш, ўн йилдан кейин бўлажак ҳодиса ҳақида башорат қилинар экан, инсон, авваламбор, шунчак муддат яшashi ҳақида маълумот олади.

Иккинчиси, ўлимдан кейин инсон шуурида ҳаёт ҳақида ички ахборот яшайди.

Ҳаёт – вақт деган эдик. Вақт эса имкониятдир. Вақт борми, демак, ҳамиша ниманидир

Сизнинг фол китобинги з ёки ўзингизга ишонинг

ёки ўзингизга ишонинг

Тақдир бутун инсоният устидан тўла хукмронлик қила оладиган ягона қудрат. Инсон дунёга келганидан бошлаб ҳар лаҳза ўлимнинг ихтиёрида, ўлим вақтнинг ихтиёрида, вақт тақдирнинг ихтиёрида бўлади. Демак, тақдир – вақт, вақт эса туғилиш ва ўлим орасидаги улуш, вақт – ҳукм, вақт – хужжат. Шундай экан, тақдир инсоннинг қўлидами ёки инсон тақдирнинг измидами?

Холат аста-секин йўқолади, унтилади. Аммо унинг акси бўлган реал воқелик инсоннинг ўзига бўлган ишончини йўқотиши, журъатсиз, ҳатто тушкун ҳолатга солиб кўйиши мумкин. Башоратларга қаттиқ берилиш инсоннинг ироди ва ақлий қобилиятига кўпинча салбий таъсир кўрсатади.

Туш таъбири ҳам фолнинг бир шакли. Насимхон Раҳмонов туркийлардаги қадимги «Фол китоби» – «Ирк битиги» ва моний ёзувидағи таъбириномани ўрганар экан, таъбирачи оддий миший деталлар орқали ўз даврининг муҳим муаммоларни кўтариб чиққанини таъкидлайди.

Чиндан ҳам инсон тушидаги нарса ва ҳодисаларни асосан ўз фойдасига кўра шарҳлайди, ўз мақсадига йўналтиради, айрим ўринларда ўз шубҳаларига кўра талқин этади.

Таъбири диний нұқтаи назардан Юсуф алайҳиссаломнинг пайғамбарлик мўъжизаси сифатида ижобий ҳодиса саналади. Яъни инсон олдиндан билиши мумкин бўлган хабар.

Шунга кўра тушлар таъбири жуда узоқ ўтмишга бориб тақалади, асрлар давомида инсонларнинг ҳаёттй кузатиш ва тажрибаларидан келиб чиқиб асосланади. Аммо ҳар қандай туш ҳам башорат бўла олмайди.

Бизнингча, туш таъбири инсоният яралышининг ил даврларига бориб тақалади. Шундай экан, фолбинлик диний дунёқарашдан қадимириоқ ҳодиса бўлиши керак. Аммо бизгача етиб келган фол китоблари диний тасаввурлар атрофида шаклланган ва ривожланган. Айниска, 17 – 19-аср оралигида Ўрта Осиёда фолбинлик китоблари ниҳоятда кўп таржима килинган, яратилган. Европада 18-аср охири – 19-асрнинг биринчи ярми «гипнознинг олтин асри», Франция унинг маркази саналган. Ф.Мустафоев бу Аббат Фарианинг хиндалардан таълим олиши билан (А.Дюманин «Граф Монте Кристо» асаридаги образ, машҳур гипнозчи) боғлиқлигини айтади.

Ўрта Осиё, хусусан, Бухоро хонлигига ҳам бу даврда илоҳиёт сирлари, фол илми фоят авж олган. Бухорода ўша даврларда алоҳида савдогар хиндалар маҳалласи ҳам бўлиб, амирлик кутубхонасида хитой, уйгур, араб ва хинд асарлари ҳам сақланган. Ҳозир ҳам ЎЗФА кўлёзмалар фондида «Фолнома мунажжимони Кашир» каби асарлар мавжуд. Демак, магик таълимотнинг тараққиётida хиндаларнинг таъсири сезилса-да, бироқ Ўрта Осиёда фол илмининг авж олишига диний-эътиқодий яқинлик жиҳатдан Эроннинг таъсири кўпроқ бўлган.

Форс тилидан таржима килинган, кўчирилган юзлаб



асарлар ҳозир ҳам республика-миз кутубхоналарида, баъзили-ри маҳаллий ҳалқ кўлида сақланади.

Куръони карим асосида илми китоб, илми толеъ, ҳар хил доналар ёки кум зарралари ёрдамида раммол ё куръя; юлдузлар билан боғлиқ ҳолда яратилган тақвими нукум, тақвими ой, кун, соат-толеъ китобларининг ҳар бири алоҳида йўналишдаги илми асар саналади. Олим ва ҳаттот Мұхаммад Сиддик Ҳашмат Бухорийнинг раммол, нукум ва бошқа фол илмига оид бир неча мусаввадалари шарқшунослик фондида сақланади.

«Куръон фолномаси», «Мұхаммад расулуллоҳ фолномаси», «Фолнома ва толеъномаи Сулаймон», «Девномаи Сулаймон», ҳазрат имом Жаъфар Содик, ҳазрат Али, Хорун ар-Рашид фолномалари арабчадан форс тилига таржима килинган, бир қисми туркий тилга ўзлаштирилган. 18-асрда Эроннинг Ўрта Осиё хонликларини босиб олиши, табиики, илм-фан ва адабиётга ҳам таъсир этган. Эронда ҳозирга қадар хожа Ҳофиз Шерозий девони билан фол очиш одати бўлиб, кўлёзмалар фондида бу китобнинг ўнлаб нусхалари бор.

Тарихий даврни кузатар экан, фол илмининг тараққиётни илми жиҳатдан балки ижtimoiy жиҳатдан ҳалқнинг ҳаётини яхшилашга ёрдам бермаган. Инсон ўз теварагида кечеётган, ўз шахсида содир бўлаётган ўзгаришларга ҳаёттй эмас, ҳаёлий сабаб ва изоҳлар ахтарши шахс ва жамиятнинг маълум фожиаларига сабаб бўлган.

Бугунги замондошимизнинг ҳам расталарда кўпайиб қолган дуо, фол, таъбир китобларига ружу кўйиши қайсири маънода ўз руҳиятини озиқлантириш бўлса, қайсири маънода ҳаёт ҳақиқатларидан узоқлашишига сабаб бўлмоқда. Ҳеч инкор этиб бўлмайди, дуо, фол, таъбир бор илм. Бироқ ниҳоятда оғир, мураккаб руҳоний илм. Унга кўр-кўруна берилиш, бошқаларни ҳам эргаштириш

инсон шахсининг муқаррар фожиасига сабаб бўлиши мумкин. Зеро, оқил инсон дунё ишларида илоҳий тадбир кўллади. Ҳар қандай саволга жавоб инсоннинг ўзида, ўз ботинида мавжуд, фақат ўз кучи, иро-даси, тафаккурини тўғри шакллантириш йўлида ҳаракатдан тўхтамаслиги керак. Барча замонларда фол илмидан хабардор бўлган гайб олимлари, биз бу ўринда олим сўзини кўллашга тўла ҳақлимиз, саноқлигина бўлган ҳамда улар бу йўлда фоят эътиёткорлик билан иш кўрганлар. Аммо тирикчилик дардида гайб ва илоҳиёт ҳақида тасаввур ҳам бўлмаган миллионлаб башоратчи, фолбинлар барча замонлардаги каби ҳозир ҳам мавжуд. Шундай экан, инсон ўз-ўзини алдаши эмас, кутқариши лозим. Нажот йўли эса маърифатда. Фақат маърифат инсоннинг ҳалоскори бўла олади. Ёшингиз олтмишга етган бир пайдада ёртак ўқиши ҳеч хайлга келмас балки. Аммо болалик тасаввурини шакллантириш учун ўйлаб, тўқиб чиқарилган шу ёртакларнинг ҳам ўз ҳаёт ҳақиқати, минг йиллар давомида эскирмаган аёвсиз ҳақиқатлари бор.

Ёртак ўқиши фолбиннинг эртакларини эшитишдан кўра бе-зиён машғулот.

«Тўғри ўйланган тадбир ҳамиши тақдир билан мувофиқ келади» – бу Амир Темурдан ибратдир.

Фол инсон руҳидаги гарибликни ортириди. Сизга қайсири яқинингиз сеҳр-жӯду қилдигани ёки шунга ўхшаш сабабларга кўра ишиниз юришмаётгани таъбир қилинди. Кўнглингизда шубҳа ўйғонади. Тахминлар билан «душманингиз»ни топасиз. Ўзингизча балки унга чора ҳам кўллариз, аммо айтинг-чи, асоснинг борми? Шубҳангизни бирор далил билан тасдиқлай олассизми? Йўқ! Фазабга куч, фолбинга пул сарфлашдан бошқа ҳеч нарсага эришганинг ҳам йўқ.

Ўзингизга, ўз тафаккурингиз кучига ишонинг.

Дилором ҲАМОРОЕВА,
Филология фанлари номзоди

Хозир кўплаб кизиқчилар устоз деб тан олган машхур кизикчи Мухиддин Дарвешов (худо раҳматига олган бўлсин) Бувайда туманида туғилган. Бувайдаликлар табиатин кизикчиликка, турли ҳангомаларга мойил. Улар орасида Нематжон Шерматов соддалиги, шумлиги ва афандинамо феъл-автори билан эл орасида турли ҳангомалар яратилишига сабабчи кишилардан бири. Куйида у киши хаётида рўй берган айrim ҳангомаларни эътиборингизга ҳавола киламиш.

ЎЗИМГА ҲАЛОЛ

Бир рус йигит Нематжон аканинг пичонини сўраб олибди ва иши битгач, у билан ҳазиллашмоқчи бўлиб:

— Пичонингизда сала (чўчка ёғи) кесиб ҳаром килиб кўйдим-да, ака, кечирасанис, — дебди.

Нематжон ака ҳам ҳазилни тушуниб ҳозиржабоблик билан:

— Хечкиси йўқ, ука, ўзим ҳам кеча шу пичони кучугумнинг кулогини кесгандим, энди бўлари бўпти, — деб жавоб берган экан.

Қурбонликка ярамайди

Илгари туман марказида татарлар кўп бўлган замонда Ҳасан абзий деган киши мол бозоридан семизигина қўй етаклаб чиқибди. Кўй жонивор кўча кўрмаган эканми, ҳеч йўлга юрмасмиш. Олдинги икки оёғини ерга тираб, Ҳасан абзийни терга тушириби. Жаҳл отига мингандаб бўлди:

— Сволич, шушка, свиня, юрасанми-йўқми? — деб турганинг устига Нематжон ака келиб қолибди.

— Ҳасан абзий, қўйни нима мақсадда олдингиз? — дебди шумлиги тутиб.

— Бу шушкани курбонлик қилишга олдим, — дебди абзий соддалик билан.

— Бай-бай, абзий, хато кетдингиз, бу қўйни чўчка деб атадингиз, энди курбонликка ярамайди.

Оғзи очилиб, каловланиб қолган Ҳасан абзийнинг кўнглига шубҳа оралаб ҳалиги қўйни ўғлидан етаклатиб юборди-да, бозордан яна бир қўй етаклаб чиқди.

Иш бир юрмас, қийин экан. Кейинги олинган қўй олдингисидан ҳам баттар қайсар чиқиб қолди. Ерга юмалармиш-у олдинга юрай демасмиш.

Терга тушиб, бўғриқиб кетган Ҳасан абзий эса қўйга қараб:

— Сен жонивор кўйжоннинг ҳақиқий отингни билем-у лекин айтгани кўркем, — деб тургани устига бозордан қайтаётган Нематжон ака келиб қолибди ва «ҳа, абзий, буниси ярайди, ўйгача чўчка деб от қўймасангиз бўлди» деб ўтиб кетибди.

Изоҳи сиздан...



Вақтни кетказмай бекор,
Кашфиётни қилдим «ест».
«Сотка»м назоратчида,
Бизга эмас писанд тест.

Рустам САТТОРОВ,
Наманjan шахри

Жаҳлим чиқади жуда,
У қўринмаган пайтда.
Нима қилай хаёлим
Орқамдаги йигитда.

Илҳомжон НУРМАТОВ,
Кибрай тумани

Имтиҳондан ўтиб олиш катта машаққат,
Домлаларни талаби зўр, жуда бешафқат.
Саволларга жавоб ўлтург эсга келмайди,
«Шпаргалка» ишлатмаса сира бўлмайди.

Кузатувчи олддан келса, кўрса бўлади,
Акси бўлиб ортдан келса нима бўлади?
Шунинг учун талаба қиз анча ўйлаган,
Ойналарни бехудага четга қўймаган.

Содик ИСАЕВ,
«Самарқанд мебел» АЖ директор ўринбосари



Энди навбатдаги суратга изоҳ
топинг-чи?

Кўриниб турар кафтдек,
Ҳамма нарса ойнада.
Домлага ҳам ҳайронман,
Нима бор-а орқада.

Фарҳод ПИРМАНОВ,
Булунғур тумани

Ishonch

Бош муҳаррир
Абдухалик АБДУРАЗЗОКОВ

Тахрир ҳайъати:

Алла Долженкова, Анвар Юнусов, Довуд Мадиев
(Бош муҳаррир ўринбосари), Жаҳонир Шарофбоев
(масъули котиб), Маъмура Адилова, Мирзоҳид
Содиков, Нормамат Аллаёрнов, Носирхон Ақбаров,
Ойсулув Нафасова, Пиримкул Қодиров, Соғиник
Ниетуллаев, Шамси Эсонбоев

Бизга кўнгироқ қилинг:

Котибиат: 256-52-78

Хатлар бўлими: 256-85-43

Ўзбекистон Матбуот ва аҳборот агентлигидан 0116-ракад билан
рўйхатта олинган.
IBM компьютерида териди ва
саҳифаланди. Офсет усулida
босилди. Бичими А-3.
Ҳажми 4 босма табоқ.

E-mail: Ishonch-doverie@mail.ru

Бизнинг манзил:
100165, Тошкент шаҳри,
«Бухоро» кўчаси, 24-йй.
Нашр кўрсатчи: 133; 134

«Шарқ» нашриёт-матбаа
акциядорлии компанияси
босмахонасида чоп
этилади. Корхона
манзили: «Буюк Турон»
кўчаси, 41-йй.

Газета ҳафтанинг сесланба,
пайшанба ва шанба
кунлари чиқади.

Муаллифлар фикри
тахририят нутқи назаридан
фарқланиши мумкин.
Нашримиздан кўйириб
босилгандা «Ishonch»-дан
олингланлии кўрсатилиши шарт.
Тиккорат аҳамиятига молик
материаллар Ⓡ белгиси
остида чоп этилади.

Навбатчи котиб - Ж.Шарофбоев
Навбатчи - А.Абдиев
Мусахих - Ш.Абдузасмадов

Сахифаловчи-дизайнер:
Х.Абдужалилов

Буюртма Г - 414 Тиражи: 17621

Босишига топшириш вақти - 21.00
Топширилди - 21.20

Сотулда эркин нархда 1 2 3 4 5 7 8